

बर' / BODO
(मावथारनो गोनां) / (Compulsory)

सम थिखानाय : थाम घन्टा

Time Allowed : **Three Hours**

गासै नाम्बार : 300

Maximum Marks : 300

सोंथि बिलाइनि थिखानाय बिथोन

सोंथि बिलाइखौ फिननायनि सिगां गाहायाव होनाय बिथोनखौ मोजाडै फराय :

गासैबो सोंथिनि फिननाय हो ।

फिननायनि नाम्बारा सोंथिनि उनाव होखानाय दं ।

फिननायखौ बर' (देवनागारि हांखो) रावजों आरो सोंथि बादियै हो ।

सोदोबनि थिखानाय बायदियै फिन आरो जुदि सोंथि बायदियै फिननाया गुसुं एबा गोलाव जायो अब्ला नाम्बारखौ दाननाय जागोन ।

फिन बिलाइनि आगसिथिं बिलाइयाव थानाय लांदां बिलाइखौ मोजाडै दाननानै होनांगोन ।

Question Paper Specific Instructions

Please read each of the following instructions carefully before attempting questions :

All questions are to be attempted.

The number of marks carried by a question / part is indicated against it.

*Answers must be written in **BODO (Devanagari script)** unless otherwise directed in the question.*

Word limit in questions, wherever specified, should be adhered to and if answered in much longer or shorter than the prescribed length, marks may be deducted.

Any page or portion of the page left blank in the Question-cum-Answer Booklet must be clearly struck off.

Q1. गाहायाव होनाय आयदानि सायाव जायखिजाया मोनसेनि रनसाय 600 सोदोबजों लिः

100

- (a) भारत आरि दोरोडारि गियाननि गोनांथि
- (b) मुलुग दावहानि गिखंथाव थासारि
- (c) डिजिटेल पेमेन्तनि मुलामफा
- (d) गेलेनायाव भारतारि आयजोफोरनि बाहागो लानाया बांनाय

Q2. गाहायाव होनाय फराखोन्दोखौ मोजाडै फरायनानै सिडाव होनाय सोलुफोरखौ रोखायै, गेबेडै आरो सुंदवै फिन हो :

12×5=60

जिबि गोरोबलायिया मुलुगनि जिवदारि जिबिफोरनि गोरोबलायि, जेराव बिसोरनि महर आरो हारियारि दाथायफोरा सरजाबफांयो । दिनै बेफोर जिबियारि गोरोबलायिया गोख्रों खैफोदनि मोगा मोगि जानांदों । बिगियानारिफोरा बे खोथायाव खौसेदि – बिदुं ओनसोलनि हाग्रा खहा जानाय आरो बांद्राय दाडाबाजिनि थाखाय जि बोसोराव 5 निफ्राय 10 जौखोन्दोफ्राम हाग्रामानि जिबिफोरा गोमालांदों, फैगौ मोनब्रै जौथायाव ।

गोमालांनाय बे जेंनाया हाग्रामायावलदि जादों बिदि नडा, दैमाफोरखौ बान्दो थेथेनाय आरो गुबुन हादोरारि जिबिफोर फैनो हायियाव मिथिंगायारि बाख्रिया थुनफावथारि मह्रै सोलाय सल जाबोदों । लैथोमानि द्वीप, जेराव थांनाय बेसेवा रोजा बोसोराव बांसिनानो जोबलांबाय, बुहुमा गिखंथाव जाबोनायनि बेबो मोनसे जाहोन ।

जिबिफोरनि गोमालांनाय आरो जिबि गोरोबलायिया खहा, मिथिंगायारि थिलि आरो थासारिनि खहा जानायनि थाखाय दानि फिरि आरो फैगौ फिरिफोराव जोबोद जेंनानि मोगा मोगि जानांगोन । दिनै जोबलांनो हमनाय जिबिफोरखौ जानाय, देहाफाहामनाय आरो उद्य'गफोराव बाहायनाय जायो । थासारियारि संरैक्षा आरो सुबुं अनजिमा संरैक्षा खालामनायनि गावबा गाव गोहोखौ खोमाना लाबाय आरो बेनि जाहोनाव हा गिसिखानाय, बिलो बिलोमाफोर फबना मानसि थानाय, जायगायारि आबहावाखौ सोलाय सल खालामनाय, दुंहावथिलि खालामनाय आरो दिहुनथाया खम जानायनि थाखाय मानसिफोरा गोबां बेसेन होनांगौ जादों ।

जिबियारि थासारिनि बेसेनथिखौ गुबैयै मोनथाम बिथि'निफ्राय नोजोर होनाय जादों । बाहायनाय-बाहायनाय बेसेनथिनि सिडाव बन सावनाय, हासाए खालामनाय, मैहुर खालामनाय बायदिफोरखौ जिवदारि जिबिफोरनि बेसेनथिनि सिडाव गोलेयो जायफोरनि बाहायथिया हाथाय बाजार गैयालासैनो जायो । दिहुनग्रा बाहायथि बेसेनथियाव बै दिहुनजानाय मुवाफोरनि बेसेनथि थि खालामनाय जायो जायखौ फालांगियारि नोजोरजों बुथारनाय आरो फाननाय जायो, जैरे बन, ना, बेदर मुलि हारिनि जिबिफोर । बाहायनाडै बाहायनाय-बाहायनायनि बेसेनथिनि बेलायाव थासारियारि हाबा जेरे दै संरैक्षाथिलि

आरो दोनथुमनाय, फट'सिन्थेसिस, आबहावा सोलायसल आरो आबादथिलि दिहुननाय बायदिफोरखौ मिथिनाय जायो । लोगोसेनो बे खोथायाबो गोजोनथावदि-माखासे हारिनि जिबिफोर दासिमबो थांना दं ।

सरासनस्रायै खान्थि-दाग्रा दिहुनग्रां बाहायग्रा बेसेनथिखौ बांसिन गोसो होनाय जायो मानोना बिसोर फालांगियारि, ना फिसिग्रा जैरे फिसा गिदिर उद्य'गजों सरजाबफानाय आरो जाय फालांगिजों सरजाबफानायनि जाहोनाव हादोरारि इनकामाव गोहोम गोलैनाम नुनो मोनो ।

- | | | |
|-----|--|----|
| (a) | जिबि गोरोबलायिया मा ? | 12 |
| (b) | जोबला'नाय खैफोदा मा ? | 12 |
| (c) | जिबि आरो जिबि गोरोबलायिया खहा जायोब्ला मा खैफोद जानो हागौ ? | 12 |
| (d) | बाहायनाडि-बाहायनायनि बेसेनथि मा ? | 12 |
| (e) | खान्थि-दाग्राफोरा बबे बेसेनथिखौ बांसिन गोसो होदों आरो मानो ? | 12 |

Q3. गाहायाव होनाय खोन्दोनिफ्राय थाम बाहागोनि से बाहागोजों मोनसे सुंदोब (Précis) लिर । सुंदोबखौ नोंनि रावजों लिर । बिमुं होनो नाडा ।

60

गोजोननाया मा जों मिथिनो लुबैयोब्ला जों सिमां रायजोयाव थांनो नाडा, बेखौ मोननोब्ला संसाराव थांनाय गोगो गोजोन देहा लानानै मानसिफोरनि गेजेरावनो नागिरनांगोन । जुदि नोंथाडा मोगथाडाव सासे गोजोन सुबुं बादि नुयोब्ला नोंथाडा मोनगोन दि-बियो नाव दानबाय थादों, देखो सोरजिबाय थादों, गावनि फिसालाखौ फोरोंबाय थादों, गाव बिबार बारियाव समायना बिबार बारहोदों । बे गोजोननायखौ माब्लाबा माब्लाबा मोननाय बेसेन बरहा मुवानि महराव नागिरनो नाडा । बियो बेखौ मिथिगौदि गु साननि 24 घण्टा नांथाबनानै थानायनि थाखायबो गोजोननाय मोनो ।

रावबो मानसिया बिदि खामानि मावनानै गोजोनै थानो हाया जाय आबुडै गावनि सुबुंथियाव सरजाबफायो आरो खालि बिनि गावनि गोनांथिखौल सुफुंनायजोंल सोमोन्दो गोनां जागोन । बिदिनो सोरबा सुबुडा एरैबादि समाजारि सोमोन्दोया आबु'गोजोननाय मोननो हाया जाय खालि गावनिल आरो गावनि बाडाय अनजिमानि मानसि आरो फिसा बेखनावल थानाय मानसिफोरनिल गोसो होयो । गोजोननायखौ मोननो थाखाय जों बिखौ गावनिफ्राइ बाहेराव नागिरनांगोन ।

जुदि नोंथाडा गावनि थाखायल देहायोब्ला अब्ला नोंथाडा जेब्लाबो गावनि साननाय आरो लुबैनायनि थाखायल फोरमायोब्ला थैनायबादि हरखाब खैफोदाव थायो । बांद्राय गोसोयारि गोजोननाय बिथिंखौ मोनसे मोजां बिथिं सान आरो गावखौनो ग्राव बैजों सरजाबनानै ला । सोरबा सासे सुबुडा अब्लासिम थांनानै थानायनि ओंथिखौ मिथि रोडा, जेब्लासिम बियो गावनि दुगाखौ गावनि गोसो सिंनिफ्राई गारगारनानै मानसिफोरनि थाखाय मोजां हाबा मावा । जुदि मानसिया गावनि मोजां लुबैनायनि फारसे दुगानाय दं अब्ला बेखौ थांखियाव सौहैनायनि थाखाय गोसोयारि फारिलाइ बानाय । नों गावखौनो गाव सों दि – मा नोंथाडा बै

हास्थायनाय थांखिखौ मोननो लुबैदों आरो गोजोननायनि भुवा बेसादफोरखौ गारगारनो नागिरदों एबा नोंथाडा गोजोनै थानो लुबैदों आरो दुगा आरजिनायखौ गारनो नागिरदों ।

जाय मानसिया बांद्राय गोजोननाय आरो मोजां जाफुंसारनाय मोननो लुबैयो बिनि थाखाय जिवनि सानथौवा खालि मोनसेल जायो – मोजां साननाय हनाय आरो मालायखौ मदद होनाय सानथौ । सासे मोगथाडारि गोजोननाय सुबुडा जेब्लाबो जेंना जेंसिजोंब्लाबो आशाबादी जायो । आशाबादनि सिडाव खालि मालायखौ मदद होनायानो नडा अदेबानि समाजारि बिबान, समाजारि साहस आरो यामोनथायारियाबो सरजाब फायो । बे बाहागोयाव फैफाबावो हौबाफोर आरो हिन्जावफोर जायफोरा जिवखौ गोथौवै नायो, बैसो गोराफोरनि बादि मोगथाडारिनि मोगा मोगि जायो, गोख्रों जेंनानि मोगा मोगि गोसो हमथानानै खालामो, गियानखौ दुखुजों – सरजाबफायो, गावनि जिवखौ थुलुंगानाय आरो मिनिनायजों सरजाबोसोदोब मोनसेयाव बुंनंगौबला बुंनो हायोदि बियो आबुं सुबुं, बयनिबो जौसिन जिव, बयनोबो मदद होनाय मावथायारि सानथौखौ बजबो । बेनो गोजोनग्लाय जिव आरो मानसि जानानै गोजोनग्लाय थानो हानायनि मोनसेल राहालामा ।

गोजोननायनि थाथौवा एसेबां गोरलैदि बिखौ आखाइनि आसियावनो मोननो हायो । गोजोननाया गोरबो सि'निफ्राइ फैयो आरो गोरलै साननाय हनाय आरो गोरलै गोसो गोरबोयाव थाखुमानानै थायो । धोरोम सिबिनायनि गोनांथि गैलाया, नाथाय जायखि जायानो खान्थिया नेम खान्थिजों खाख्रबजानाय सानथौ गैयालासै बिखौ मोनो होनना मिथि जाया । सार्थवा बिनि सुथुर । मालायनि खुसियावनो गावबो खुसि जानांगौ । बिदि गुदु गादा गोबाव समनि गेजेराव एखनब्ला बेखौ मोननो हायो; गेबें आरो गोथौ सानहाबनाय समाव बिखौ गोरलैयै मोननो हायो बिखौ बायनानै मोननाय जाया, मोगथाडाव फैसाजों बाडायल लेनदेन जायो ।

रावबो सुबुडा अब्लासिम गोजोन जानो हाया जेब्लासिम बियो गावनो गाव नांनायबादि गोजोन जानो हाया, बेनिखायनो गोजोनखौ नागिरनाया गावखौनो गाव नायबिजिरनायनि गेजेरजोंसो जागाय जेनो । मावनो थाखाय जेबो दं, नाथाय जानाया एसेलथार । थेवबो बे गावखौ गाव बिजिरनायनि गेजेरजों बै गुणफोरखौ नागिरनायनि लामा लानांगौ जाय साफ्रोमबो सुबुंनि जिवखौ मोनसेल खालामो जायखौ आरो नागिरना मोनला आरो बेनि रोसारनायनि गेजेरजोंनो गोजोननाय मोनो । बेनिखायनो सोरबा सासेया गोजोन मोननो – थाखाय माबा मावफारि लायोब्ला बेयो जानांगोन-जि मोनो बेयावनो गोजोननाय, देलाय-मालाय, रंजा-बाजानि सोलाय जानांगोन नोरोम दद्र'खौ नागिरनांगोन, रां-रूफानि गोसो गोजोनायखौ नागिरनांगोन, रोंसार खालामनाय, गोख्रों फरायसंनाय, मोजां साननाय, मिलौदो बुंनाय, मोजाडै स्रा स्रायै हाबा भावनाय, नक्षत्र आरो दावफोर, उन्दै गभ आरो मुनिफोरखौ खोथाखौ गोथौवै गोसो होनाय, गासैबो गाज्जिखौ सहायनाय, गासैखौबो साहस खालामनानै भावनाय, जेब्लाबो हाखा दावरा खालामनो नाडा आरो गोसो साज्रां जानो नाडा, नेवसिजानाय आरो गोलैसोनायफोरखौ सरा सनस्रा जिवाव लाबोनानै गोसारहोनाय । बेखौ गोसोयाव लाखिनांगोनदि जायखि जाया सोरखारानो गावनि थाखाय बेफोरखौ मावनो हाया, बेफोरखौ गावनि थाखाय गावनो भावनांगोन ।

(सोदोबनि बिबां : 556)

Q4. गाहायनि होनाय बाथ्रा खोन्दोखौ इराजियाव राव सोलाय :

20

गासै मुलुगावनो उदखारिबादा सुबुंथिनि थाखाय गिदिर जेंना जानानै फैबाय । आमेरिका, भारत, इजराइल, बायदि हादोरफोराव उदखारिबादनि बेंखननिफ्राइ बारगनो थाखाय नारा-नाथार नाजागारिनो दं । नाथाय दौलेडा बांसिननिफ्राइ बांसिनसो जाबोगासिनो दं । फैगौ सानफोराव रादाब बिलाइफोरनि गिबि बिलायाव गिदिर गिदिर हांखोजों उदखारिबादनि मुगैथाव हाबाफोरा सेबखां जागासिनो दं । साननि जागायनाया बिदि गिखंथाव रादाबजोंसो जागाय जेनो । मिथिमोनला बेसे, जेबो मिथिरोडि सुबुंफोरखौ बिसोर गावसिनि सार्थखौ सुफुंनो थाखाय बोलि होगसिनो दं ।

उदांसिनि उनाव माखासे मानसिफोरा गुबुन हादोरारि गोहोनि थुलुंगायाव थुलुंगा – खानानै भारताव उदखारिबादनि बेगर फोनानै होदोंमोन । बिनि बिषोया दा गासैबो हादोरावनो एरैबादि साग्लोबसारबायदि थासारिया जोबोर गिखंथाव जाबाय । कास्मिराव उदखारिबादा गिखंथाव महर लानानै दं । बैनि थागिबि मानसिफोरा दा रिफिउजिफोर बादिसो दं । बैयाव सानफ्रोमबो गिनायनि सायख्लुम ओंखारो – ‘दिनैबा मा जागोन’ ? खालि कास्मिरावल नडा, आसाम, बंग हादोर, नागालेन्द बायदि रायजोनि उदखारिबादीफोरा गिखंथाव खालामगासिनो दं । बेफोर गासैबो रायबोफोरावनो आयेन खान्थिया गिखंथाव जाबोबाय । सिफाइ एबा पुलिसफोरा बे थासारिखौ हादोरनिफ्राइ जानगार खालामनो थाखाय थै थां नांथाबगासिनो दं । उदखारिबादखौ फोजोबनो थाखाय सोरखारा माखासे राहा लामा लागासिनो दं । नाथाय सरासनम्ना सुबुंफोरविबो हेफाजाबा गोनांथार । जुदि बयबो गाव गावनि धोरोमारि सारथ आरो ओनसोलारिनि खोथाखौ गारगारनानै भारतारि जानानै थायोब्ला, बे जेंनाया अरायनि थाखाय जोबलांगोन । रावबो मोजां मानसिया मालाइनि खहा खालामनो हाया । मानोना उदखारिबादाव जुनादारि आखु थायो । बयबो खौसे आरो ज’ जानानै बे जेंनाखौ मुलुगनिफ्राइ फोजोबस्रानायाव हेफाजाब होनाया गाहाम आरो मुलुगाव गोजोन आरो गोरोबलायनायनि साननाय हनायखौ गायसनफिननो नाजानांगौ । अब्लासो हादोर आरो समाजारि जौगानाया आबुडै दावगालांनो हागोन ।

Q5. गाहायाव होनाय बाथ्रा खोन्दोखौ बर’वाव राव सोलाय :

20

Healthy children are an essential component of an effective education system. Good health reduces absenteeism and dropouts and increases scholastic performance. An effective school health programme is one of the most cost-effective approaches in improving community health. School health activities contribute to healthy lifestyles, thus leading to a healthy future generation. School children also communicate the health-related information gained in schools to their families and neighbourhood, contributing to improved family and community health. The functions of school health services include detection and treatment of defects, creation and maintenance of hygienic environment in and around the school, provision of school meals, and improvement of nutritional status of children. This may be further enlarged to include health check-ups and immunisation campaigns.

Q6. गाहायाव होनाय सौलुफोरनि फिन हो :

10×4=40

(a) गाहायाव होनाय बाथ्राफोरखौ मोनसे सोदोबजों फिन :

2×5=10

- (i) हिन्जाव थैजानाय हौवा _____ 2
- (ii) फिथोबनिफ्राय खुन्दुं लुग्रा-आगजु _____ 2
- (iii) बेसर फोग्रा हा _____ 2
- (iv) बैसो जानाय हाबा जायि हिन्जाव _____ 2
- (v) जि दानो रोडि हिन्जाव _____ 2

(b) गाहायाव होनाय बाथ्राफान्दायखौ ओंथि होनानै बाथ्रा दा :

2×5=10

- (i) आसि आसेरा 2
- (ii) खर' फुर 2
- (iii) बिबु गोलाव 2
- (iv) खिबु सेरथे 2
- (v) थाल्फि बुद्रां 2

(c) गाहायनि दाजाबदाफोरखौ बाहायनानै मोननै मोननै सोदोब दा :

2×5=10

- (i) _____ खौ 2
- (ii) _____ आव 2
- (iii) _____ जों 2
- (iv) _____ नो 2
- (v) _____ आ/या 2

(d) गाहायाव होनाय बाश्राफावखौ बेखेव :

5×2=10

(i) ना सान्दाया बिगुर गैया
गैजारोडिनि फिसाया आखल गैया ।

5

(ii) सिखा गोदाना सानथाम
हिन्जाव गोदाना दानथाम ।

5

